

Adresa:9716, Finiq, Vlorë



E-mail : bashkia.finiq@gmail.com

REPUBLIKA E SHQIPERISË
BASHKIA FINIQ

Nr. 3272/L Prot

KONTRATË SIPËRMARRJE

OBJEKTI

“Ndertimii ujsjellesit Navarice – Memoraq – Dermish”

FINIQ

2016

KONTRATË SIPËRMARRJE

Lidhur sot më datë **22.12.2016**, në bazë të nenit 419-658 dhe 850 -876 të Kodit Civil, te Ligjit Nr. 139/2015 “Per Veteqeverisien Vendore”, midis Bashkisë Finiq, e përfaqësuar nga **Z.Leonidha HRISTO** përfaqësues i vetëm në rolin e investitorit që më poshtë do të quhet **“Autoriteti Kontraktor”**

Dhe

Shoqërisë **“MANE/S” SH.P.K** me licencë të shoqërisë Nr. NZ. 0440/18, me vlefshmëri deri me datën (Pa afat kohor), nga Ministria e Punëve Publike dhe Transportit, dhe me Nipt J 64103865 K e përfaqësuar nga Administratori i saj **z. Malo MANE** dhe Shoqërisë **“ARTI”SH.P.K** me licencë të shoqërisë **NZ. 1847/13**, , me vlefshmëri deri me date 07.07.2019, lëshuar nga Ministria e Transportit dhe Infrastrukturës, me Nr. Nipti J 64103808 P, nga Administratori i saj **Z. Ahilea PAPUCI** të mëposhtë quajtur **“Kontraktuesi”**. Midis shoqërive **“MANE/S” SH.P.K**, dhe shoqërisë **“ARTI” SH.P.K** është lidhur një kontratë bashkëpunimi **nr. 120 Rep, nr.57/1 Kol, datë 21.01.2016**. Nëpërmjet kësaj kontrate, palët bien dakort për bashkëpunim të përkohshëm të shoqerive me rastin e pjesëmarrjes në të gjitha fazat e kualifikimit në tenderin me objekt: **“Ndertimii ujsjellesit Navarice – Memoraq – Dermish”**. Gjithashtu shoqëria **“ARTI”SH.P.K.** ka lëshuar një prokurë të posaceme **nr.121 Rep, nr.55/1 Kol, date 21.01.2016**, me anë të së cilës autorizon Shoqërinë **“MANE/S” SH.P.K.** për ta përfaqësuar direkt në tender dhe të kryejë cdo veprim të nevojshëm dhe të ligjshëm lidhur me zbatimin e konratës, duke nënshkruar të gjitha aktet juridike dhe dokumentat e tjera për tenderin **i mëposhtë quajtur “Sipërmarrës”**.

Neni.1. Objekti i Kontratës

Objekti i kësaj kontrate është sipërmarrja me objekt: **“Ndertimii ujsjellesit Navarice – Memoraq – Dermish”**



Neni 2. Vlera e Kontratës

Kontrata lidhet me një vlerë totale 55 222 911 (pesedhjete e pese milion e dyqind e njezete e dy mijë e nenteqind e njemedhjete) lekë me T.V.SH.

Financimi i objektit bëhet me fonde nga Buxheti i Shtetit.

Neni 3. Afati i Kontratës

Afati maksimal i përfundimit të punimeve është 3 (Tre) muaj nga data e lidhjes së kontratës

Neni 4. Gjuha e Kontratës

Gjuha në të cilën përpilohet kontrata është Gjuha Shqipe.

Neni 5. Përkufizime

formulari i ofertës - është dokumenti i plotësuar që sipërmarrësi ka dorëzuar në datën e hapjes së tenderit dhe është pranuar nga Enti Prokurues.

Vlera e kontratës është vlera e dhënë në njoftimin e fituesit që Enti Prokurues i ka dërguar Sipërmarrësit fitues mbi bazën e të cilës është plotësuar e dorëzuar formulari i kontratës, nga ky i fundit.

Data e përfundimit të kontratës është data e vërtetuar nga Enti Prokurues.


Sipërmarrësi është një person juridik ose fizik i pranuar nga Enti Prokurues.

Ditët janë ditë kalendarike dhe **muajt** janë muaj kalendarik.

Data e fillimit është data e lidhjes së kontratës.

Ndryshimi është një udhëzim që jep Investitori i paparashikuar në dokumentat fillostarte dhe jepet gjithmonë me shkrim.

Preventiv janë vëllimet e punës të plotësuara me çmime, pjesë përbërëse e ofertës.



Raste tē kompensuara janë ato që përcaktohen në pikën 25.

Difekte është çdo pjesë e punimeve të parealizuara në përputhje me konratën.

Periudha e garancisë së difekteve është 12 muaj.

Skica (vizatimet) përfshijnë projektet dhe të dhëna të tjera të paraqitura ose të miratuara nga Enti Prokurues për përbushjen e Kontratës.

Investitori është organi qëndror ose lokal që vë në dispozicion fondin.

Autoriteti Kontraktor është organi qëndror ose lokal që realizon prokurimin e objektit.

Mbikëqyrësi i Punimeve është personi kompetent i emëruar nga Investitori dhe që i është njostuar Sipërmarrësit, i cili është përgjegjës për mbikqyrjen e realizimit të punimeve dhe administrimin e konratës.

Drejtori Teknik i Punimeve në objekt është personi i aprovuar nga Enti Prokurues, përfaqsues i Sipërmarrësit, përgjegjës për kryerjen dhe përfundimin e punimeve, për të cilin Sipërmarrësi është i detyruar t'i konfirmojë Investitorit emrin e tij.

Paisjet janë makineritë e Sipërmarrësit të sjella përkohësisht në kantierin ku do te kryhen punimet.

Materialet janë furnizimet që përfshijnë edhe ato të konsumit të përdorura nga Sipërmarrësi për kryerjen e punimeve, në përputhje me standartet e RSH.

Specifikimet janë karakteristikat e punimeve të përfshira në projektet e zbatimit në dokumentat standarte të tenderit dhe çdo modifikim ose shtesë e bërë dhe e miratuar me shkrim nga Investitori.

Dokumentat e tenderit janë pjesë përbërëse e kësaj kontrate.

Punimet janë punimet që duhet të kryhen nga Sipërmarrësi në përputhje me konratën, projektin dhe ndryshimet e tij.

Neni 6. Komunikimi

6.1 Komunikimi midis palëve duhet të bëhet vetëm me shkrim në adresat e deklaruara nga palët, në rast se ka ndryshim të adresës palët janë të detyruara të informojnë për çdo ndryshim. Njostimi bëhet efektiv vetëm pasi të dorëzohet.

Neni 7. Prona Intelektuale

7.1 Me përjashtim të rasteve kur parashikohet ndryshe në konratë, të gjitha të drejtat e pronës intelektuale të siguruara nga Sipërmarrësi gjatë zbatimit të kontratës do t'i përkasin Investitorit i cili mund t'i përdorë ato sipas gjykimit të tij.

7.2 Me përjashtim të rasteve kur palët bien dakort ndryshe, Sipërmarrësi, pas përfundimit të kontratës, duhet t'i paraqesë Investitorit të gjitha raportet dhe të dhënët si hartat, diagramët, skicimet, specifikimet, planet, statistikat, llogaritjet dhe regjistrat mbështetës ose materialet e fituara, mbledhura ose precatitura nga Sipërmarrësi gjatë zbatimit të kontratës. Sipërmarrësi mund të mbajë kopje të këtyre dokumentave dhe të dhënavë, po nuk duhet t'i përdori për qëllime që s'kanë lidhje me konratën pa leje paraprake me shkrim nga Enti Prokurues.


7.3 Sipërmarrësi duhet të sigurojë Investitorin nga mospërgjegjësia për shkelje të të drejtave të pronës intelektuale që mund të dalin nga përdorimi i materialeve, skicave ose çdo prone tjetër sipas kontratës.

7.4 Në rast se ngrihet ndonjë pretendim ose padi kundër Investitorit në lidhje me ndonjë shkelje të pronës intelektuale të shkaktuar nga zbatimi i kontratës ose nga përdorimi i materialeve, skicave ose çdo prone tjetër të mbrojtur të furnizuar sipas kontratës, Sipërmarrësi duhet t'i japë Investitorit të gjitha provat dhe informacionin në posedim të tij që kanë të bëjnë me këtë padi apo pretendim.

Neni 8. Mbikqyrësi i Punimeve

8.1 Mbikqyrës i punimeve do të jetë Shoqeria : "HP STUDIO"sh.p.k , me Nr. Liçense MK.2529/1 profesionale lëshuar nga Ministria e Rregullimit të Territorit dhe Turizmit, Komisioni i Dhënies së Liçensave Profesionale pranë M.RR.T.T me datë 07.04.2015.

8.2 Detyrat e mbikqyrësve të punimeve burojnë nga aktet ligjore dhe n/ligjore në fuqi dhe detajohen në konratën e shërbimit që do të lidhet me këta të fundit.



8.3 Në rast se mbikqyrësi do të ndryshohet, investitori njoston menjëherë Sipërmarrësin.

Neni 9. Personeli i Sipërmarrësit

9.1 Sipërmarësi do të punësojë vetëm personelin e dekluaruar në ofertë për kryerjen e funksioneve të parashikuara në programin e miratuar nga Mbikqyrësi i Punimeve. Mbikqyrësi i Punimeve do ti propozojë Investitorit për të zëvendësuar personelin kryesor vetëm nëqoftëse kualifikimet dhe aftësitë e tyre të nevojshme janë baraz ose më të larta se ato të personelit të përcaktuar në ofertën e Sipërmarrësit.

9.2 Në qoftë se Mbikqyrësi i Punimeve i kërkon Sipërmarrësit që të largojë një person, i cili është anëtar i personelit ose i fuqisë punëtore të Sipërmarrësit, duke theksuar arsyet, Sipërmarësi do të marrë masa për të siguruar që personi në fjalë të largohet nga kantieri i punimeve brenda 72 orëve dhe të mos ketë më lidhje me punën e përfshirë në kontratë.

9.3 Drejtori Teknik i Punimeve të objektit është z. Bledar MANE i paisur me license nga Komisioni i Dhënies së Liçensave Profesionale pranë M.RR.T.T. Detyrat e Drejtorit Teknik të Punimeve janë si më poshtë:

- Zbatimin e objektit konform projektit dhe kushteve teknike të zbatimit;
- Dokumentacionin teknik që është i detyrueshëm të mbahet në objekt;
- Korrespondencën zyrtare me Mbikqyrësin e Punimeve;
- Ecurinë e zbatimit të punimeve konform plan organizimit dhe grafikut të punimeve;
- Është i pranishëm në të gjitha fazat e realizimit të objektit: zbatimin e punimeve, dorëzimin dhe kolaudimin e objektit.

9.4 Në rast se ndryshohet Drejtori Teknik, Sipërmarrësi duhet detyrimisht të lajmërojë Mbikqyrësin e Punimeve i cili vë në dijeni Investitorin.

Neni 10. Detyrimet e Sipërmarrësit



10.1 Sipërmarrësi do të kryejë punimet në përputhje me projektet e ndryshimet e miratuara dhëna nga Investitori dhe në përputhje me K.T. të zbatimit të RSH.

10.2 Drejtori Teknik i Punimeve në kantier, është i detyruar të mbajë ditarin e objektit, ku të përfshihen të gjitha punimet e kryera dhe urdhërat e dhëna për zbatimin e projektit. Ky ditar në çdo kohë do ti vihet në dispozicion Mbikqyrësit të punimeve, grupit të kolaudimit dhe Investitorit.

10.3 Sipërmarrësi do të kryejë punime me nënsipërmarrje pasi të ketë marrë miratimin e Investitorit. Marrëdhëniet e n/sipërmarrjes do rregullohen nëpërmjet një marrëveshjeje e cila përcakton qartë nënsipërmarrjen dhe që në çdo rast është e detyruar të respektojë të gjitha detyrimet e kontrates së sipërmarrjes. Përgjegjës ndaj Investitorit mbetet gjithmone Sipërmarrësi kryesor i punimeve.

10.4 Sipërmarrësi ka për detyrë të ruaj projektin dhe të mos e përdorë atë në objekte të tjera jashtë këtij tenderi. Gjithashtu të mos japë asnjë informacion (botim artikujsh apo fotografish) mbi ecurinë e punimeve pa lejen e Investitorit.

10.5 Sipërmarrësi është i detyruar të marri të gjitha masat përkufizimin e ndotjes së ambjentit duke përdoruar të gjitha mjetet në dispozicion.

10.6 Sipërmarrësi është i detyruar të përdori mjetet e sinjalistikës rrugore për punime në rrugë me qëllim disiplinimin e trafikut të mjeteve dhe kalimtarëve në objektin e ndërtimit.

10.7 Sipërmarrësi është i detyruar të paisë punonjësit e tij në objekt me uniforma në të cilat të jenë shprehur shenjat dalluese të shoqërisë Sipërmarrëse.

10.8 Në rast të mos respektimit të dispozitave të parashikuara në pikat 10.5 - 10.7 të mësipërme Mbikqytësi i punimeve i bën njostim Sipërmarrësit për respektimin e detyrimeve të shprehura më lart. Në rast se Sipërmarrësi nuk merr masa brenda 10 ditëve nga marrja e njoftimit atëherë Mbikqyrësi i punimeve i propozon Investitorit aplikimin e një penaliteti në masën nga 50.000 lekë deri 200.000 lekë, penalitet i cili do të mbahet nga situacioni pasardhës që do të paraqiten për likujdim.

Neni 11. Testimet dhe Inspektimet

11.1 Sipërmarrësi është i detyruar që me shpenzimet e veta të kryejë provat

laboratorike të materialeve që do të përdoren në objekt si dhe provat e kampioneve të marra nga objekti në përputhje me udhëzimet e dhëna nga Mbikqyrësi i Punimeve.

11.2 Sipërmarrësi duhet të bëjë të gjitha testet dhe inspektimet e kërkuara nga dispozitat e kontratës. Kosto e këtyre testimeve dhe inspektimeve duhet të financohet tërësisht nga Sipërmarrësi brenda kushteve të çmimit të kontratës

11.3 Investitori gjithashtu mund t'i kërkojë Sipërmarrësit të bëjë testime ose inspektime shtesë të pa parashikuara në kontratë por të gjykuara të nevojshme për të verifikuar se ndërtimet janë konform specifikimeve dhe kushteve të kontratës.

11.4 Investitori do të refuzojë çdo punim ndertimi që nuk e kalon testimin dhe/ose inspektimin ose nuk është konform specifikimeve teknike dhe kushteve të kërkuara në zbatimin e kontratës.

11.5 As egzekutimi i testeve as inspektimi i punimeve te ndertimit nuk do ta lirojë Sipërmarrësin nga çdo garanci ose detyrim tjetër sipas kontratës.

Neni 12. Ngritja e Kantierit


12.1 Sipërmarrësi do të mbajë përgjegjësi për skicimin e Ngritjes se Kantierit.

12.2 Sipërmarrësi duhet të paraqesë të gjitha planet për Ngritjen e Kantierit tek Mbikqyrësi i Punimeve për shqyrtimin dhe miratimin e tij.

Neni 13. Zbulimet

13.1 Çdo gjë me interes historik ose me vlerë të konsiderueshme e zbuluar papritur në kantier do të bëhet pronë e Investitorit. Sipërmarrësi duhet të njoftojë Mbikqyrësin e Punimeve për ndonjë zbulim të tillë dhe të ndjekë udhezimet e drejtuesit të projektit për procedurën e ndjekjes me objektet.

Neni 14. Sigurimi Teknik



The page ends with three handwritten signatures in blue ink. From left to right: a simple 'L' shape, a stylized 'GJ', and a more complex, cursive signature.

14.1 Sipërmarrësi është përgjegjës për të gjithë veprimtarinë në kantierin e ndërtimit, duke zbatuar masat korigjuese dhe rregullat e sigurimit teknik për gjithë personelin sikurse përcoktohet në legjislacionin Shqiptar.

Neni 15. Rreziqet e Sipërmarrësit dhe Forca Madhore

15.1 Sipërmarrësi ka për detyrë të përballojë të gjitha shpenzimet që mund të dalin nga data e fillimit të punimeve e deri në fund të periudhës së garancisë për difektet që mund të shfaqen në objekt sipas të dhënave të kontratës. Sipërmarrësi deri në përfundim të punimeve do të përballojë rreziqet për shkak të dëmtimeve të personelit, vdekjes dhe humbjes ose dëmtimit të pasurisë (përfshirë pa kufizime punimet, materialet dhe paisjet, kantierin e ndërtimit si dhe objektin e ndërtimit).

15.2 Sipërmarrësi nuk do të mbajë përgjegjësi për humbjen e sigurimit te kontratës jo për fajin e tij, dëmeve të likuiduara ose ndërprerjen për mosplotësim në se dhe deri në masën që vonesa në zbatim ose ndonjë dështim tjetër në zbatimin e detyrimeve të tij sipas kontratës vijnë si rezultat i ndodhjes së Forcës Madhore.

15.3 Për qëllimet e këtij nenit “Forçë Madhore” do të thotë një ngjarje jashtë kontrollit të Sipërmarrësit dhe e paparashikueshme. Ngjarje të tillë mund të përfshijnë, por nuk janë të llimtuara nga, veprimet e Investorit qoftë në kapacitetin e tij sovran ose kontraktual, lufta ose revolucionet, përmbytja, tërmeti, epidemitë, shtrëngime të karantinës dhe embargo tranziti.

15.4 Në se ndodh ndonjë situatë e Forcës Madhore, Sipërmarrësi duhet të njoftojë menjehere Investitorin. Me përjashtim kur Investor i jep direktiva të ndryshme, Sipërmarrësi duhet të vazhdojë të zbatojë detyrimet e tij sipas kontratës në masën praktikisht të arsyeshme dhe duhet të kërkojë të gjitha mjetet e arsyeshme për zbatimin e kontratës deri në masën e mos pengesës nga Forca Madhore.

Neni 16. Sigurimet

16.1 Sipërmarrësi duhet të sigurojë objektin me vlerë totale **5 522 292 (pesëmilion e pesëqind e njezete e dy mijë e dyqind e nentdhjete e dy)** lekë me emra të përbashkët të Investorit dhe Sipërmarrësit, nga data e hyrjes ne kantier deri në datën e realizimit së plote te ndertimeve, për humbje ose dëmtim të Ndertimeve, pajisjeve, materialeve; humbje ose dëmtim të kantierit ose pronave të tjera në kantier dhe dëmtimet personale ose vdekjet e palëve të treta.

16.2 Rregulloret për çertifikatat e siguracionit do ti dorëzohen Mbikqyrësit të Punimeve për aprovim brenda 30 ditëve pas shpalljes së fituesit të kontratës. I gjithe ky siguracion duhet të mbulojë kompensimin e kërkuar për të kompensuar humbjen ose dëmin e shkaktuar. Në se Sipërmarrësi dështon të sigurojë çertifikatat e kërkua të siguracionit, kontrata do të konsiderohet e anulluar. Megjithatë, Investitori ka të drejtë të vendosi të zgjasë periudhën e paraqitjes të çertifikatave të siguracionit ose të bëjë vetë siguracionin dhe të zbresi koston e tij nga pagesa që i jep Sipërmarrësit.

16.3 Ndryshime në afatet e siguracionit nuk duhet të bëhen pa aprovimin me shkrim të Investitorit.

Neni 17. Preventivi

17.1 Preventivi do të përfshijë të gjitha zërat e punimeve me çmimet përkatëse të parashikuara në ofertë .

17.2 Preventivi do të përdoret për të llogaritur vlerën e kontratës. Sipërmarrësi paguhet me sasinë e punës së kryer sipas projektit, bazuar për çdo zë pune të preventivit.

17.3 Për zërat e reja, të paparashikuara në preventiv përvèç dokumentacionit përkatës paraqitet edhe analiza teknike për çdo zë të ri pune.

17.4 Nën/zërat e punimeve për të cilat nuk është vënë çmim për njësi në ofertën e paraqitur, do të konsiderohen si të mbuluara nga vlerat e tjera të përfshira në kontratë.

Neni 18. Negociatat dhe Amendamentet

18.1 Palët nuk do të negocijnë ndryshime ose amendamente të asnjë elementi të kontratës që do të ndryshontë mjaftueshmë kushtet që kanë përbërë bazën e përzgjedhjes së Sipërmarrësit.

18.2 Asnjë amendament ose variacion tjetër i kontratës nuk do të jetë i vlefshëm pa qënë me shkrim, me datë dhe duke u referuar shprehimisht kontratës. Çdo shtesë ose ndryshim Amendamenti do të jetë i vlefshëm vetëm në rast se nënshkruhet nga të dyja palët ose nga persona të autorizuar prej tyre.

18.3 Çdo heqje dore nga të drejtat, pushtetet ose ndreqjet që mund të bëhen nga palët sipas kontratës duhet të bëhet me shkrim, në të cilën të specifikohet data dhe



të nënshkruhen nga pala ose nga një përfaqsues i autorizuar i palës që bën këtë dorëheqje dhe duhet të specifikojë të drejtën dhe masën në të cilën ajo lëshohet.

Neni 19. Ndryshimi i Porosisë

19.1 Kushtet e kontratës nuk janë subjekt rinegocimi dhe amendimi pas hyrjes në fuqi me përjashtim kur lejohet specifikisht dhe parashikohet në kushtet e kontratës. Çdo amendament i kontratës duhet të bëhet me shkrim dhe e nënshkruar nga Investitori dhe Sipërmarrësi

19.2 Investitori mund që në çdo kohë mund të porosisë Sipërmarrësin të bëjë ndryshime brenda qëllimit të përgjithshëm të kontratës në secilin prej e sa më poshtë:

- Korrigjime në skicimin, vizatimin ose specifikimet e Ndertimeve;
- Korrigjime në materiale;
- Korrigjime në sasi.

19.3 Përpara se të kërkojë një ndryshim, Investitori dhe Sipërmarrësi duhet të bien dakort për çdo rritje ose ulje të çmimit të kontratës dhe/ose ndryshim në skedimin e dorëzimit ose përfundimit që është shkaktuar nga ndryshimi. Porosia e ndryshuar duhet të trupëzojë amendamentet e marrveshjes. Investitori nuk ka të drejtë të nxjerrë pretendime për pajtimin me ndryshimin e porositur përveç rregullimeve të siguruara në amendamentet e marrveshjes.

19.4 Ndryshimi i porosise nuk do te jetë i vlefshem ne se nuk formalizohet sipas kerkesave te Nenit 18 te kesaj kontrate.

19.5 Çdo ndryshim i urdhëruar nga Investitori, do të jetë detyrimisht objekt i një proces - verbali (urdhëri) me shkrim i firmosur nga Investitori. Këto urdhëra do të hartohen në bazë të një propozimi teknik nga ana e Investorit dhe në baze të llogarive përkatëse të bëra nga Sipërmarrësi dhe Mbikqyrësi i Punimeve, mbështetur në çmimin njësi për çdo zë pune shprehur në preventiv.

19.6 Çdo ndryshim i cili sjell rritjen e vlerës së kontratës duhet të dokumentohet gjatë zbatimit të punimeve dhe pasi pregetitet dokumentacioni përkatës si preventivi shësë, vizatime etj., i propozohen zyrtarisht entit që delegon fondin që të miratojë shësën e vlerës së plotë si dhe për të gjetur burimet e financimit

Nëse volumet përfundimtare të punimeve të kryera, ndyshojnë nga volumet në Preventiv dhe vlera e tyre është brenda preventivit të objektit dhe fondit rezervë të parashikuar në preventiv, Investitori ngarkon Mbikqyrësin për të sistemuar volumet dhe për të dokumentuar ndryshimet e mundëshme dhe mandej i miraton ato.

Neni 20. Programi

Brenda 5 ditëve nga nënshkrimi i kontratës Sipërmarrësi do ti paraqes për miratim Mbikqyrësit të Punimeve një program, në të cilin tregohet mënyra e kryerjes së punimeve dhe grafiku kohor. Sipërmarrësi do të realizojë programin sipas grafikut të parashikuar.

Sipërmarrësi ka të drejtë t'i propozojë Mbikqyrësit të punimeve ndryshime në grafikun e punimeve duke i motivuar ato.

Në rast se mund ose lind nevoja e dorëzimit të pjesshëm të punimeve këto parashikohen në grafikun e punimeve ose në ndryshimet e propozuara dhe të miratuara nga investitori.

Neni 21. Korrigimi i Difekteve

Sa herë që gjatë periudhës së zhvillimit të punimeve, nga Mbikqyrësi konstatohet një difekt Sipërmarrësi është i detyruar ta korigjojë atë brënda afatit që i lihet me shkrim por jomë vonë se 15 ditë.

Gjatë periudhës së garancisë së punimeve Mbikqyrësi i punimeve do të njoftojë Sipërmarrësin lidhur me çdo difekt para mbarimit të kësaj periudhe. Për eliminimin e difekteve lihet një afat i cili saktësohet sipas çdo rasti konkret por jo më shumë se 15 ditë.

Periudha e garancisë pér difektet éshtë afati 12 muaj duke filluar nga data e aktit te kolaudimit te punimeve. Me përfundimin e kësaj periudhe Sipermarrësi paraqit kërkesën e kthimit të vlerës së garancisë së punimeve e cila i éshtë mbajtur nga Investitori. Ky i fundit, brenda 10 ditëve organizon vizitën në terren ku kontrollohen realizimet e detyrave të lëna nga korigjimi i difekteve të lindura gjatë periudhës së garancisë së punimeve. Në se janë kryer gjithë korigjimet e difekteve atëhere hartohet akti përkatës i marrjes në dorëzim të objektit dhe që shënon përfundimin e detyrimeve reciproke të kontratës së sipermarrjes dhe asaj të mbikqyrjes së punimeve.

Neni 22. Difektet e Pakorrigjuara

Në qoftëse Sipermarrësi nuk korigjon difektet e konstatuara në periudhën e garancisë së difekteve, brenda afatit të përcaktuar, Investitori do të vlerësojë koston e korigjimit të difektit, dhe Sipermarrësi do të paguaj këtë shumë, së bashku me një gjobë të veçantë e cila do të jetë 0.04% të vlerës së kontraktuar pér çdo ditë vonesë. Investitori do ta mbajë këtë shumë duke e zbritur nga garancia e punimeve e cila éshtë mbajtur progresivisht në situacione.

Në se me përfundimin e periudhës së garancisë Sipermarrësi nuk ka korigjuar difektet e konstatuara Investitori i zbret nga garancia deri ne konfiskimin e krejt garancisë së punimeve.

Neni 23. Situacionet

Sipermarrësi do t'i paraqesë Mbikqyrësit të Punimeve brenda 5 ditëve të para të çdo muaji situacionet mujore progresive pér punimet e kryera, duke zbritur pagesat e situacioneve të mëparëshme, garancinë e difekteve, paradhënen etj., të kësaj natyre, sikurse përcaktohet në këtë kontratë.

Mbikqyrësi i Punimeve do të kontrollojë punën e kryer nga Sipermarrësi dhe do të vërtetojë shumën që duhet ti paguhet Sipermarrësit brenda 10 ditëve nga paraqitja e situacionit. Gjatë kontrollit Mbikqyrësi përcakton vlerën e punimeve të kryera.

Three handwritten signatures in blue ink are visible at the bottom of the page. From left to right: 1) A simple, thin-lined signature consisting of a vertical line and a horizontal line. 2) A signature that appears to start with 'GJ' followed by a stylized surname. 3) A more complex, flowing signature that includes a large, prominent 'B' and other letters.

Vlera e punës së kryer do të përfshijë vlerën e volumeve të zërave të punimeve të përfunduara dhe të shprehura në preventiv, vlerën e ndryshimeve dhe të rasteve të kompensuara pa prekur fondin rezervë i cili do financohet në situacionin përfundimtar në se ka dokumenta që argumentojnë përdorimin e tij.

Neni 24. Pagesat

Pagesat për çdo situacion punimesh do të kryhen nga investitori brenda 15 ditëve nga dita e firmosjes së situacionit nga Mbikqyrësi i Punimeve.

Pagesa e situacioneve do të kryhet sipas financimit të parashikuar në pikën 2 të kësaj kontrate.

Neni 25. Rastet e Kompesuara

Rastet e kompensuara për të cilat vonesa justifikohet do të konsiderohen si vijojnë:

- a) Mbikqyrësi i Punimeve urdhëron shtyrjen ose nuk jep skicat (vizatimet) specifikimet ose udhëzimet e nevojshme për kryerjen e punimeve në kohën e caktuar.
- b) Mbikqyrësi i Punimeve udhëzon Sipërmarrësin për të zbuluar punimet e fshehta ose për të kryer provat pas kryerjes së punimeve.
- c) Autoritet Publike ose Investitori shkaktojnë vonesa në lirimin e sheshit të ndërtimit për Sipërmarrësin.
- d) Investitori vonon pa arsyе lëshimin e çertifikatës së marrjes në dorëzim.

Kompensimi i rasteve të sipërpërmendura do të bëhet si vijon:

Për vonesat e përmendura në pikat 25.1 (a,b,c,d) Investitori do të njohë shtyrjen e datës së përfundimit të punimeve mbi atë të parashikuar në këtë kontratë.

Neni 26. Taksat

26.1 Sipërmarrësi është i detyruar të paguajë të gjitha taksat në përputhje me Legjisacionin Shqiptar.

Për taksat e përcaktuara në legjislacionin që ka hyrë në fuqi 28 ditë para datës së hapjes së tenderit, të cilat Sipërmarrësi duhet ti ketë marrë parasysh në vlerën e kontratës, Investorit nuk do ti njohë asnje shtesë pagesë.

Neni 27. Dëmshpërblimi për Vonesat

Sipërmarrësi do ti paguaj Investorit dëmshpërblimin për vonesa në afatin e përfundimit të punimeve në masën 4/1000 te vleres korispoduese te mbetur pa u zbatuar nga çmimi total të kontratës.

Por kjo vlerë do te llogaritet minimalishtë mbi 25% te vleres se kontrates.

Neni 28. Garancia e Difekteve

Garancia e difekteve do të jetë 5% e vlerës se kontratës që do ti mbahet nga çdo situacion Sipërmarrësit si garanci për cilësinë e punimeve, shumë e cila do të paguhet mbas përfundimit të periudhës së garancisë së punimeve, duke marrë parasysh edhe saksionet e parashikuara në pikën 22 të kësaj kontrate.

Neni 29. Kostoja e Riparimeve

Dëmtimi i punimeve ose humbja e materialeve që do të përdoren për punimet nga dita e fillimit deri në marrjen në dorëzim si dhe gjatë afatit të garancisë së difekteve do të mbulohet nga Sipërmarrësi me shpenzimet e tij nëqoftëse humbja ose dëmtimi janë shkaktuar nga gabimet e veprimeve të tij.

Riparimet që dalin të nevojshme gjatë kolaudimit të veprës, nëse janë për shkak të mosplotësimit të kontratës ose të punës jo cilësore të Sipërmarrësit do të mbulohen nga ky i fundit me shpenzimet e tij.

Neni 30. Marrja në Dorëzim e Punimeve

Sipërmarrësi pas përfundimit të Punimeve njofton me shkrim Mbikqyrësin e Punimeve dhe Investorin. Në se Mbikqyrësi nukka vrejtje ky njoftim shënon datën e përfundimit të punimeve. Sipërmarrësi pas njoftimit të përfundimit të punimeve i paraqet brënda 30 ditëve Mbikqyrësit të Punimeve dokumentacionin dhe llogaritjet përfundimtare për punimet e kryera.

Mbikqyrësi i Punimeve mbas verifikimeve brenda 30 ditëve së bashku me relacionin e tij i'a paraqet gjithë dokumentacionin Investitorit.

Mbas marrjes së gjithë dokumentacionit Investitori i paraqet komisionit të kolaudimit gjithë dokumentacionin e realizimit të objektit. Me pëfundimin e procedurave të kolaudimit Investitori lëshon çertifikatën e marrjes në doërëzim të punimeve të kryera dhe do të çlirojë garancinë e sigurimit të Kontratës. Nga data e akt-kolaudimit të punimeve fillon periudha e garancisë së punimeve.

Në fund të periudhës së garancisë së punimeve, Mbikqyrësi i Punimeve dhe komisioni i marrjes në dorëzim të objektit do të përpilojnë së bashku me Investitorin aktin e marrjes në dorëzim të veprës, objekt i kësaj kontrate.

Neni 31. Zgjidhja e Kontratës

Investitori ose Sipërmarrësi mund të pezullojë kontratën kur vëren shkelje themelore të saj.

Shkeljet themelore të kontratës përfshijnë por nuk kufizohen në sa vijon:

- a) Sipërmarrësi nuk fillon punë brenda 5 ditëve nga nënshkrimi i kontratës si dhe në rastet kur ndalohen punimet me shumë së 10 ditë kur nuk parashikohet në programin e punës dhe ndalimi i punimeve nuk është i autorizuar nga Mbikqyrësi i Punimeve dhe nuk respektohet grafiku i punimeve.
- b) Mbikqyrësi i Punimeve udhëzon pezullimin e punimeve duke njoftuar Investitorin dhe Sipërmarrësin.
- c) Sipërmarrësi falimenton ose fillon likujdimin për arsyet e tjera përvëç rindërtimit ose bashkimit të shoqëris.
- d) Sipërmarrësi vonon kryerjen e punimeve dhe nuk realizon korrigimet e difekteve të propozuara nga Mbikqyrësi i Punimeve.

Neni 32. Pagesa pas Zgjidhjes së Kontratës

Në rast se kontrata prishet nga Investitori për arsyet objektive, Mbikqyrësi i Punimeve do të lëshoje një çertifikatë për vlerën e punës së kryer duke zbritur pagesat e marra deri në ditën e lëshimit te çertifikatës.



Neni 33. Pasuria

Të gjitha punimet e kryera dhe materialet e montuara për realizimin e objektit do të konsiderohen si pronë e Investitorit në rast prishje kontrate.

Neni 34. Zgjidhja e Mosmarrveshjeve

Investitori dhe Sipërmarrësi do të zgjidhin me mirëkuptim çdo mosmarrëveshje që do t'u lindë gjatë realizimit të kësaj kontratë.

Në rast se palët nuk bien dakort atëhere për sqarimin e mosmarrëveshjeve ngrihet një grup i përbërë nga tre ekspertë ku secila palë ka paraqitur një ekspert kurse i treti pranohet nga të dy palët. Në rast se problemi nuk zgjidhet nga grupei i ekspertëve atëhere palët do t'i drejtohen Gjykatës Tiranë.

Neni 35 Fotografimet

35.1 Sipermaresi do te kryej fotografimet ne kantier dhe ti **hedhe ne CD**, para dhe pas perfundimit te Punimeve te ndertimeve.

35.2 Fotografite do ti vihen ne dispozicion investitorit ne momentin e maries ne dorezim te objketit.

Neni 36. Legjislacioni Bazë

Ligji i aplikueshëm do të jetë Legjislacioni Shqiptar.

Neni 37. Garancia e Kontratës

Garancia e kontratës do të jetë 10% e vlerës së Kontratës. Kjo garanci ngurtësohet nga Sipërmarrësi për llogari të Investitorit para nënshkrimit të Kontratës.

Zhbllokimi i kontrates prej 10% do te behet pasi te jete perfunduar plotesisht kolaudimi i punimeve .



Neni 38. Dispozita të Fundit

37.1 Kjo kontratë do te quhet e vlefshme duke filluar nga data e nënshkrimit të saj nga të dy palët. Kjo kontratë u hartua në 5 (pesë) kopje, tre nga të cilat i mban Investitori dhe dy kopje i mban Sipërmarrësi.

Konc.Dakt.L.Karajani

AUTORITETI KONTRAKTOR

BASHKIA FINIQ

KRYETAR

LEONIDHA HRISTO



SIPËRMARRËSIT

"MANE/S" & "ARTI" SH.P.K.

PERFAQESUESI

MALO MANE

